

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10 i 3/23), a u skladu sa članom 16. stav (1) i stav (2) Zakona o pravobranilaštvu („Službene novine Zeničko-dobojskog kantona”, broj: 12/13), na prijedlog Ministarstva za pravosuđe i upravu, Vlada Zeničko-dobojskog kantona, na 57. sjednici, održanoj dana 29.11.2024. godine, d o n o s i

ZAKLJUČAK

I.

Utvrđuje se Prijedlog Odluke o imenovanju Kantonalnog pravobranioca Zeničko-dobojskog kantona.

II.

Zaključak sa Prijedlogom Odluke o imenovanju Kantonalnog pravobranioca Zeničko-dobojskog kantona upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-30-19802 /24
Datum, 29.11.2024. godine
Zenica

DOSTAVLJENO:

1x Ministarstvo za pravosuđe i upravu,
1x Stručna služba Skupštine,
1x a/a.



PREMIJER

Nezir Pivić

Na osnovu člana 16. stav (1) i stav (2) Zakona o pravobranilaštvu („Službene novine Zeničko-dobojskog kantona”, broj: 12/13), a na prijedlog Vlade Zeničko-dobojskog kantona, Skupština Zeničko-dobojskog kantona, na ___ sjednici, održanoj _____2024. godine, d o n o s i

O D L U K U
o imenovanju Kantonalnog pravobranioca
Zeničko-dobojskog kantona

Član 1.
(Imenovanje)

Sežad Kliko, diplomirani pravnik iz Zenice, imenuje se na poziciju Kantonalnog pravobranioca Zeničko-dobojskog kantona, na period od četiri godine, od dana stupanja na snagu ove odluke.

Član 2.
(Stupanje na snagu)

Odluka stupa na snagu danom donošenja, a objavit će se u “Službenim novinama Zeničko-dobojskog kantona”.

Broj: 02-_____/24
Datum, _____2024. godine
Z e n i c a

PREDSJEDAVAJUĆI

Ćazim Huskić

DOSTAVLJENO:

1x Imenovanom,
1x Ministarstvo za pravosuđe i upravu,
1x Kantonalno pravobranilaštvo,
1x „Službene novine Zeničko-dobojskog kantona“,
1x a/a.

O b r a z l o ž e n j e

Pravni osnov

Pravni osnov za donošenje Prijedloga Odluke sadržan je u odredbi člana 16. stav (1) i stav (2) Zakona o pravobranilaštvu („Službene novine Zeničko-dobojskog kantona”, broj: 12/13).

Razlozi za donošenje

Odlukom o imenovanju Kantonalnog pravobranioca Zeničko-dobojskog kantona („Službene novine Zeničko-dobojskog kantona”, broj: 17/20), Sežad Kliko imenovan je na poziciju Kantonalnog pravobranioca na period o četiri godine od dana stupanja na snagu ove odluke, a tačkom II. Odluke utvrđeno je da ista stupa na snagu danom donošenja odnosno 29.09.2020. godine.

Obzirom da je Ministarstvo za pravosuđe i upravu Zeničko-dobojskog kantona, a shodno članu 16. stav 2. i članu 17. Zakona o pravobranilaštvu objavilo Javni oglas za popunu upražnjenih pozicija u reguliranim tijelima Zeničko-dobojskog kanton, za poziciju Kantonalnog pravobranioca za koju nijedna pristigla prijava nije ocijenjena kao potpuna, Skupština Zeničko-dobojskog kantona je svojom Odlukom o imenovanju vršioca dužnosti Kantonalnog pravobranioca Zeničko-dobojskog kantona („Službene novine Zeničko-dobojskog kantona”, broj: 19/24), imenovala Sežada Kliku kao vršioca dužnosti Kantonalnog pravobranioca na period od najviše tri mjeseca, odnosno do okončanja konkursne procedure, počev od 30.09.2024. godine.

Ministarstvo za pravosuđe i upravu Zeničko-dobojskog kantona je shodno članu 16. stav 2. i članu 17. Zakona o pravobranilaštvu objavilo ponovni Javni oglas za popunu upražnjene pozicije u reguliranim tijelima Zeničko-dobojskog kantona - Kantonalni pravobranilac i to u dnevnom listu „Oslobođenje“ dana 20.09.2024. godine, na web stranici Zeničko-dobojskog kantona u dijelu Javni pozivi/Konkursi 18.09.2024. godine i u „Službenim novinama Federacije BiH“, Oglasni dio, broj: 75/24 od 25.09.2024. godine.

Ministar Ministarstva za pravosuđe i upravu je shodno članovima 20. i 23. tačka f) Odluke o utvrđivanju Standarda i kriterija Vlade Zeničko-dobojskog kantona za imenovanja/nominiranja na upražnjene pozicije u reguliranim tijelima Zeničko-dobojskog kantona („Službene novine Zeničko-dobojskog kantona“, broj: 4/15, 7/15 i 11/16, 5/23, 10/23 i 5/24) i člana 3. stav (1) tačka c) i stav (2) Uredbe o načinu, uvjetima osnivanja i utvrđivanju visine naknade za rad komisija koje osniva Vlada Zeničko-dobojskog kantona i rukovodilac kantonalnog organa državne službe („Službene novine Zeničko-dobojskog kantona“, broj: 20/20 i 14/21), formirao Komisiju za sprovođenje Javnog oglasa za popunu upražnjene pozicije u reguliranim tijelima Zeničko-dobojskog kantona - Kantonalni pravobranilac.

Shodno zadacima utvrđenim Rješenjem o formiranju Komisija je izvršila pregled pristiglih prijava za poziciju Kantonalnog pravobranioca te utvrdila da je za navedenu poziciju pristigla jedna prijava koja je od strane Komisije ocijenjena kao potpuna, te je Komisija zakazala intervju za prijavljenog kandidata.

Nakon provedene procedure Komisija je ministru za pravosuđe i upravu dostavila Pismenu preporuku, shodno članu 12. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 65/13), nakon obavljenog intervjua sa kandidatom, te na osnovu bodovanja izvršenog u skladu sa na osnovu Kriterija utvrđenih Odlukom o utvrđivanju Standarda i kriterija Vlade Zeničko-dobojskog kantona za imenovanja/nominiranja na upražnjene pozicije u reguliranim tijelima Zeničko-dobojskog kantona, predložila imenovanje Sežada Klike na poziciju Kantonalnog pravobranioca Zeničko-dobojskog kantona na period od četiri godine.

Budući da je članom 3. stav (2) Odluke o utvrđivanju Standarda i kriterija Vlade Zeničko-dobojskog kantona za imenovanja/nominiranja na upražnjene pozicije u reguliranim tijelima Zeničko-dobojskog kantona, kao i Javnim oglasom, propisano da će za kandidate koji prođu užu konkurenciju Ministarstvo službeno tražiti dokaze da isti nisu osuđivani za krivično djelo nespojivo sa imenovanjem na dužnost u instituciji u kojoj se kandiduju, Ministarstvo za pravosuđe i upravu se aktom broj: 06-30-

15757-10/24 od 08.11.2024. godine obratilo Ministarstvu unutrašnjih poslova Srednjobosanskog kantona - Policijskoj stanici Jajce (prema mjestu rođenja predloženog kandidata), sa Zahtjevom za dostavljanje dokaza da isti nije osuđivan za krivično djelo nespojivo sa imenovanjem na dužnost u instituciji u koju se kandiduje, pet godina od dana pravosnažnosti presude, isključujući vrijeme zatvorske kazne, te je navedeno Ministarstvo putem Policijske stanice Jajce, aktom broj: 02/5-3-04-2-335/24 od 12.11.2024. godine, dostavilo podatke iz kaznene evidencije za predmetno lice na način da je navedeno da za lice Sedada Kliku ne postoje podaci o kaznenoj evidenciji.

Obzirom na navedeno predlaže se, a shodno Poslovniku o radu Skupštine Zeničko-dobojskog kantona, donošenje predložene Odluke.

Finansijska sredstva

Za provođenje ove odluke nisu potrebna dodatna finansijska sredstva.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON**

**Komisija za sprovođenje Javnog oglasa za popunu upražnjene
pozicije u reguliranim tijelima Zeničko-dobojskog kantona - Kantonalni pravobranilac**

**Broj: 06-30-15757-9/24
Zenica, 04.11.2024. godine**

**MINISTARSTVO ZA PRAVOSUĐE I UPRAVU
N/R MINISTRA**

Na osnovu člana 12. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 65/13), nakon obavljenog intervjua sa svim kandidatima, te na osnovu bodovanja izvršenog u skladu sa na osnovu Kriterija utvrđenih Odlukom o utvrđivanju Standarda i kriterija Vlade Zeničko-dobojskog kantona za imenovanja/nominiranja na upražnjene pozicije u reguliranim tijelima Zeničko-dobojskog kantona („Službene novine Zeničko-dobojskog kantona“, broj: 4/15, 7/15 i 11/16, 5/23, 10/23 i 5/24), Komisija za sprovođenje Javnog oglasa za popunu upražnjene pozicije u reguliranim tijelima Zeničko-dobojskog kantona - Kantonalni pravobranilac (u daljnjem tekstu: Komisija) donosi:

PISMENU PREPORUKU

Putem koje ministru Ministarstva za pravosuđe i upravu Zeničko-dobojskog kantona Komisija dostavlja na daljnje razmatranje Rang listu kandidata za Kantonalnog pravobranioca Zeničko-dobojskog kantona, kako slijedi:

R/B	Ime i prezime	Kriteriji bodovanja		Ukupno bodova
		Komunikacijske i organizatorske sposobnosti	Rezultati rada ostvareni tokom poslovne karijere (ocjena, objavljeni stručni radovi)	
1.	Seđad Kliko	25	25	50

Napomena: Prilikom sačinjavanja Rang liste Komisija se rukovodila principima i procedurama utvrđenim Zakonom o ministarskim, vladinim i drugim imenovanjima Federacije Bosne i Hercegovine vodeći računa da imenovanje ne dovodi do sukoba interesa.

Prilog: Obrasci o bodovanju kandidata od strane svakog člana Komisije;
Obrazac koje je kandidat popunio i dostavio Komisiji prilikom intervjua;
Konačna bodovna lista

KOMISIJA:

1. Denis Bojinović- predsjednik,
2. Amila Begagić - član,
3. Mersudina Kovačević - član,
4. Vildana Kondić - član,
5. Mirnes Burkić - član.













Godina XXIX - Broj 19

ZENICA, utorak, 08.10.2024.god.

SKUPŠTINA

875.

Na osnovu člana 37. stav (1) tačka f) Ustava Zeničko-dobojskog kantona, a u vezi sa članom 63. stav (2) Zakona o turizmu („Službene novine Zeničko-dobojskog kantona“, broj: 12/22), Skupština Zeničko-dobojskog kantona, na 31. sjednici, održanoj 26.09.2024. godine, donosi:

ODLUKU O IZMJENI ODLUKE O OSNIVANJU TURISTIČKE ZAJEDNICE ZENIČKO- DOBOJSKOG KANTONA

Član 1.

(Izmjena člana 6.)

U Odluci o osnivanju Turističke zajednice Zeničko-dobojskog kantona („Službene novine Zeničko-dobojskog kantona“, broj: 16/22), u članu 6. stav (2) riječi „94.11 Djelatnosti poslovnih organizacija i udruženja poslodavaca.“ se brišu.

Član 2.

(Stupanje na snagu i objavljivanje)

Ova Odluka stupa na snagu danom donošenja, a objavit će se u „Službenim novinama Zeničko-dobojskog kantona“.

Broj: 01-24-16337/24
Datum, 26.09.2024. godine
Zenica

PREDSJEDAVALAČ
Čazim Huskić, s.r.

876.

Na osnovu člana 16. stav 3. Zakona o pravobranilaštvu („Službene novine Zeničko-dobojskog kantona“, broj: 12/13) i člana 4. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 65/13), a na prijedlog Vlade Zeničko-dobojskog kantona, Skupština Zeničko-dobojskog kantona, na 31. sjednici, održanoj 26.09.2024. godine, donosi:

ODLUKU o imenovanju vršioca dužnosti Kantonalnog pravobranioca Zeničko-dobojskog kantona

Član 1.

(Imenovanje vršioca dužnosti)

Sežad Kliko, diplomirani pravnik iz Zenice, imenuje se za vršioca dužnosti Kantonalnog pravobranioca Zeničko-dobojskog kantona do okončanja konkursne procedure, a najviše tri mjeseca, počev od 30.09.2024. godine.

Član 2.

(Stupanje na snagu)

Odluka stupa na snagu danom donošenja, a objavit će se u „Službenim novinama Zeničko-dobojskog kantona“.

Broj: 01-30-16338/24
Datum, 26.09.2024. godine
Zenica

PREDSJEDAVALAČ
Čazim Huskić, s.r.

SKUPŠTINA

415.

Na osnovu člana 16. Zakona o pravobranilaštvu („Službene novine Zeničko-dobojskog kantona“, broj 12/13), na prijedlog Vlade Zeničko-dobojskog kantona, Skupština Zeničko-dobojskog kantona na 26. sjednici održanoj dana 29.09.2020. godine, **d o n o s i**

ODLUKU
o imenovanju Kantonalnog pravobranioca
Zeničko-dobojskog kantona

I

Sežad Kliko, diplomirani pravnik iz Zenice, imenuje se za Kantonalnog pravobranioca Zeničko-dobojskog kantona, na period od četiri godine, od dana stupanja na snagu ove odluke.

II

Odluka stupa na snagu danom donošenja i objavit će se u „Službenim novinama Zeničko-dobojskog kantona“ i „Službenim novinama Federacije Bosne i Hercegovine“.

Broj: 01-30-16079/20
Datum, 29.09.2020. godine
Zenica

PREDSJEDAVALAČI
Ćazim Huskić, s.r.

416.

Na osnovu člana 22. stav 3., a u vezi sa članom 23. Poslovnika Skupštine Zeničko-dobojskog kantona - Treći Prečišćeni tekst («Službene novine Zeničko-dobojskog kantona», broj: 14/18, 18/18-isp., 7/19 i 7/20), Skupština Zeničko-dobojskog kantona na 26. sjednici održanoj dana 29.09.2020. godine, donijela je :

ODLUKU
o izmjeni Odluke o izboru stalnih radnih tijela 8.
saziva Skupštine Zeničko-dobojskog kantona

Član 1.**(Izmjena sastava jednog stalnog radnog tijela)**

U Odluci o izboru stalnih radnih tijela 8. saziva Skupštine Zeničko-dobojskog kantona («Službene novine Zeničko-dobojskog kantona», broj: 2/19, 10/19, 22/19 i 12/20), u članu 1. vrši se slijedeća izmjena:

Pod rimskim brojem **IX Komisija za rad, socijalnu politiku, izbjeglice i zdravstvo**, redni broj 5. mijenja se i glasi:

„5. Almir Halilović“

Član 2.**(Stupanje na snagu i objavljivanje)**

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 01-30-16080/20
Datum, 29.09.2020. godine
Zenica

PREDSJEDAVALAČI
Ćazim Huskić, s.r.